

神女庙

<p> 大江从西来，上有千仞山。江山自环拥，恢诡富神奸。深渊鼉
鳖横，巨壑蛇龙顽。旌阳斩长蛟（1），雷雨移沧湾。蜀守降老蹇，
至今带连环。（2）纵横若无主，荡逸侵人寰。上帝降瑶姬，来处荆
巫间。神仙岂在猛？玉座幽且闲。飘萧驾风驭，弭节朝天关。倏忽
巡四方，不知道里艰。古妆具法服，邃殿罗烟鬟。百神自奔走，杂沓
来趋班。云兴灵怪聚，云散鬼神还。茫茫夜潭静，皎皎秋月弯。还
应摇玉佩，来听水潺潺。（1）《许旌阳传》：“旌阳于豫章遇一少年
，谓门人施太玉曰：‘此蜃精，宜亟翦戮，彼今化为黄牛，我当化黑牛
以逐之。’俄，龙沙州一黑牛奔赴黄牛而来。太玉以剑挥之，中其左股
，因投于井。蜃遂变本形，为吏所杀。”（2）《神异记》：蜀守李冰
降毒龙蹇氏，锁之于江上，水害遂息。</p><p></p><p><a href = "/pdf/1954-神女庙.pdf
f" rel="alternate" download="1954-神女庙.pdf" target="_blank
>下载本文pdf文件</p>